

大威德陀羅尼經

卷一

百八十一  
靡一

43575-



元祿九年丙子二月日重修

皇圖鞏固 帝階綴昌

佛日增輝 懋輪常轉

山城州天安寺法金剛院置



大威德陀羅尼經卷第一

隋天竺三藏闍那崛多等譯

如是我聞一時婆伽婆在舍婆提大城祇樹

給孤獨園與大比丘眾千二百五十人俱復

有無量天龍夜叉乾闥婆阿修羅迦樓羅緊

那羅摩睺羅伽人非人等四部大眾左右圍

遶今時世尊告長老阿難言阿難有陀羅尼

法本過去諸佛已曾顯示略廣解釋為諸侍

者及以眾生受安樂故憐愍世間諸天人等

廣利益故我今亦欲說此陀羅尼亦令眾生

受安樂故哀愍世間諸天人等廣利益故阿

難汝既是我親承侍者我今為汝說此法本



諦聽諦受善思念之當為汝說今時阿難而  
白佛言唯然世尊願樂欲聞

佛告阿難一者神通二者根本又復一者是  
欲具足二者見具足不入涅槃所謂斷見及  
以常見復有二見不入涅槃謂於我見煩惱  
著見以一智者而言無智復次應知俗事及  
此執著世俗言詞應知事及與非事應知有  
為事及無為事應知生應知滅則應知入處  
應知非入處應知去處應知斷去處應知處  
所應知愛應知愛因緣應知境界道應知發  
去處應知入處應知至處去勝應知別離應  
知別離任處應知捨非事應知非義捨應知

聚集事應知緣應知緣在處應知緣合應知  
緣生處應知緣生應知緣所生法應知行應  
知勝行應知在國土處善根應知堪閑豫成  
就應知得閑豫分應知得佛出世善根應知  
作防護事應知信欲滅應知閑處應知一自  
在二分別生三種得因緣應知三學行二種  
淨戒三種聖教一愛著瞋恚一真實謂如來  
教一朋友不可破一伴可共入怖處一切衆  
生自在非善知識一切衆生具自在難不信  
發行一切衆生本性破壞一切衆生共同一  
行一切衆生不得愛故與愛為奴一切衆生  
自過不見故不入涅槃一切衆生各相障礙

不得解脫一善根不能斷故入般涅槃興造  
諸業而不失壞入一欲故入惡處入二三四  
五欲故入地獄中一種不欲一種印二種觀  
察一種勇健一道七處五破壞五力五語道  
處五世間法五生趣五聚陰五病五無病五  
根五時五三摩耶分五摩呼多五最後心生  
處持來五不勝法五憚怯五優婆塞五種多  
貪性五種宰官五無量五勝作五戲論五恐  
怖五怨讎五不共心分五不敬五尊重五重  
五誓五怖畏五宰官和合五種滅依身五種  
滅依口五種滅依意五種想因緣五受五受  
斷五闇五闇盲五翳障眼五羅刹五淵五迴

轉五窟五窟斷五分第一禪五種聲五種世  
法行五種共法舉罪五教亦五善知識教五  
種言說法音生處五種論法五喜根五喜生  
處五憂生法五怯弱怖畏應當解說五種功  
能應當解說五種世間功德行五種漏法和  
合五種勝世行五種觸生五種惡道五種惡  
眼五種惡耳五種惡鼻五種惡舌五種惡身  
五種惡意五無功德法五種獨住持因緣五  
種離教師隨緣流轉五種法應隨順衆五受  
因緣五受不斷滅五法當作憂五痛著不遍  
知故受苦痛五種蓋不可取五種障分別五  
一向行法不應取五種事物應當離五相不

斷滅五乾燥無因起五作惡處滿五種烟五  
姦猾欺誑言說五種賊長命難打五作時行  
五種衆生塚間平等五種在空處因緣五窟  
處不恐怖隨心所欲五嚴熾不作惡五巧行  
境界處五無中間五法不作別異五往處五  
惡住處五種得錢物得宿命得念智現證見  
巧因緣隨轉五無毒五濕波耶那五善根大  
果報隨轉五功德捨法五嬾惰事五信滿五  
法具足當入正位五根前受業報五種智聚  
欲滿隨轉五時施善根成熟增長五施當滅  
諸有五種戒超越五道滿足五戒俱善覆護  
滿足五種戒當轉法輪五戒具足已得四十



種歡欣法五種戒俱受已羸劣戒不具足缺  
減破戒謂優婆塞優婆夷五種刺患命終時  
得五種行巧解脫當具足滿五中等邊五種  
戒羸五戒句顛倒行無有別異五戒羸當爲  
說五戒俱當轉十二相法輪五種時一法時  
五種言一法言五種衆一衆會五種道一善  
妙五命終一是斷五智者一最勝五境界我  
歎一五道無別異相五解脫一無有出五實  
言一真實五種滅一真滅五種惡無可淨五  
踊躍五自恣五治罰阿蘭那宿處具五讚歎  
一坐頭陀得五讚歎常乞食行頭陀五讚歎  
五種入聚落當教示五縫衣功德五多聞者

功德樂欲法五功德五種惡魔波旬作障礙  
五種患障法言法言斷具五惡解脫事五障  
礙得五破壞五世間賊五攝受語言五妄語  
事五不共住五捨智五破戒惡五破戒處五  
應知分別破戒五事持毗那耶應知五分別  
不持毗那耶應知五比丘不知正威儀不持

毗那耶言語因緣自說多聞彼如是如是梵  
行者不問五法持毗那耶健瞋當向惡趣五  
持律者有煩惱而不慚耻得五種乾燥自行  
欲不淨而自說淨欲行持律時得五種罪五  
種非時語求報施法有五種過惡五種諍論  
根本今比丘恐怖五臭穢法非學者語五種

論師逼切故毀佛五種毀法五種毀僧法師  
有五種不淨比丘應知各別不各別五種法  
墮調戲不持戒處破戒在身成妄語者復有  
妄語者戒如糞穢比丘五法具足心慄如風  
比丘五法具足說外道語比丘五法具足不  
巧知修多羅比丘五法具足捨佛菩提比丘  
五法具足能生瞋恚瞋恚生已捨佛語俗人  
五法具足於出家法師如法和合五下分結  
五上分結五損五惡五身結五惱法五因五  
緣五頂墮五不自在作法五三十三天於先  
墮相五四天王天集會法五三十三天受取  
五三十三天不受取五三十三天如業果報

勝酒五勝法天女捨已天子面向他天五三  
十三天作業釋迦提婆那民共一萬二千天  
女出善法堂五十三天集會欲破阿修羅  
五三十三天闔諍相至園應知五三十三天  
發闔五三十三天具足法降阿修羅五三十  
三天具足健法初生即有此念得自業智五  
種欲行諸天大集會五種夜摩天內信巧方  
便生得見諸佛五種往昔善根夜摩諸天遊  
戲而不迷惑五種往昔善根夜摩諸天各無  
輕慢亦無嫉妬五種法具足夜摩諸天過有  
閑預五法具足兜率陀諸天子當得九十九  
種歡喜法五種兜率陀諸天子往昔願法不

失正念五種兜率陀諸天子往昔願法而不  
迷惑五種往昔勝願戒滿足故兜率陀諸天  
子神通成就願滿足故分別得成五種法具  
足兜率陀諸天子值佛出生不捨離已得信  
具足故捨家出家得近如來既出家已得解  
脫智五法具足兜率陀諸天子五於先死相  
法生而不恐怖死死已不假作念知所生處  
能生厭離而不放逸七十五種相具足兜率  
陀天子勝取欲行十五種相具足兜率陀諸  
天子值佛出生親近不離不生悔心若不值  
佛命終已後而生人間當得出家證緣覺道  
五眼根相兜率陀諸天命終已生人間智者

應知五根相夜摩諸天命終五根相三十三  
天命終五根相四天王天命終三根相地居  
諸天命終八種根相人間命終還生人間智  
者應知六種根相合會大地獄死還生人間  
智者應知應取是相九根相活大地獄中死  
七根相黑繩大地獄中死十三根相速轉速  
滅速生寒地獄中死還生人間四根相畜生  
中死四根相獼猴中死還生人間六根相野  
干中死還生人間十六根相真正師子中死  
還生人間四種彼日初分時根相四種日中  
時根相四種日後分時根相四種瞋根相阿  
難我且略說若欲廣明是義有十二俱致百

千等數根之勝相彼佛如來知諸衆生各各  
根數阿難有人日初分時應漏盡不被教示  
以放捨故於日中時作無間業成就滿足以  
是因緣故背佛世尊墮大地獄阿難有衆生  
日初分時教授佛法以貪欲具故彼人是處  
座坐已正念得如是心如謗諸佛及毀菩提  
墮落邪中阿難有衆生有欲取衣離欲著衣  
阿難有衆生有欲舉足離欲下足阿難有衆  
生念欲睡眠旣坐牀已即得漏盡阿難有衆  
生貪欲就卧頭未到枕於其中間即得離欲  
有衆生不出家時於佛教中應生天上旣出  
家已墮大地獄至不喜處有衆生不出家故

應墮大地獄中到不喜處彼出家已得勝漏  
盡智者應當知如是相阿難如殊帝迦長者  
若七日過已不出家者應墮阿鼻大地獄中  
大不喜處阿難如來有如是等知諸根智各  
各不同是故如來能知衆生去處來處亦復  
巧知諸根別處阿難汝觀女人有歡欣法知  
染欲知不染欲以根增上視面故知況復如  
來阿羅訶三藐三佛陀證阿耨多羅三藐三  
菩提而不能知衆生諸根如是勝相如來有  
如是大力有如是大智阿難有衆生如來於  
日初分入舍婆提大城乞食時即至第二四  
天下在彼間處日初分時以四十種相方便



教化一衆生故猶在舍婆提大城次第乞食  
時舍婆大城乃有六十衆生諸根缺壞作無  
間業爲欲殺母作非法事彼等衆生若出家  
者即得阿羅漢果作是語已時長老阿難白  
佛言世尊何因緣故如來爲一衆生於彼處  
中以四十種相方便教化猶能於彼舍婆提  
大城令諸衆生於聖法中作無障礙耶佛告  
阿難彼一衆生在第二四天下大洲世界如  
來世尊以四十種方便教化者惟佛能度非  
聲聞耶如來於彼日初分時若不教化彼一  
衆生則能具造三無間業當墮阿鼻大地獄  
中墮地獄已九十九俱致百千年歲受大苦

惱彼等衆生惟佛能化非餘如來阿難彼一  
衆生最後應度惟佛能化阿難如來爲彼一  
衆生故住九十九俱致百千歲何以故阿難  
此是諸佛境界阿難如來所應作業要必當  
作而不廢捨阿難如來住壽若一劫若減一  
劫應以佛身度衆生故或復過彼阿難以此  
因緣故彼一衆生如來以四十種教化日初  
分時住聖法中得阿那含果又復阿難時彼  
衆生說此偈言

前際及後際 現在不知故 造作於惡業  
亦不知諸法 前際及後際 現亦無所有  
三世皆平等 於中無所得 分別故有得

若離則無得

諸法無所有

如是隨如見

所說離欲想

空想亦復然

想斷無分別

此說無所有

說身有所有

以取故亦現

諸法不可得

於中無滅者

若取於涅槃

思念即顛倒

取故說有物

說想還顛倒

無想說有想

無想亦復然

一切想離故

比丘成無有

說欲有所有

瞋癡亦有

此無有知已

是說法眼者

我已知彼欲

如是實無物

不生亦不滅

此是彼自想

大智者善說

諸法無有想

世俗故有言

於中不可得

虛空空說已

彼得則所有

不生名與色

本性是法空

功力於涅槃

復有衆生得  
諸想皆滅已  
是上丈夫說

若有想沮繫  
法想亦復然

彼見則是惡  
不取亦不捨

阿難此等六十衆生舍婆提住者皆於往昔  
迦葉佛所諸聲聞人供養佛已於後復作非  
法事業非阿羅漢數爲利養因緣自稱自舉

而不自知不得法味造惡業已諸根缺減復  
次阿難有五種惡根不平等故非善友作善  
友行阿難有衆生五種根相具足種種承事  
而不能修行於己母邊亦行欺誑况餘衆生  
也五種根相具足一眼不得出家此法律中  
五種根相具足可畏眼不得出家此法律中

五種根相具足赤眼不得出家此法律中五  
種根相具足大赤眼不得出家此法律中五  
種根相具足跛人不得出家此法律中五種  
根相具足脚脛曲不得出家此法律中五種  
法靜人不得出家此法律中五法曲脊不得  
出家此法律中五法虚涉眼不得出家此  
法律中五法九指及十一指不得出家此法  
律中五法節分斷不得出家此法律中五法  
割耳不得出家此法律中五法割鼻不得出  
家此法律中五法具足眼根闕不得出家此  
法律中五法具足式亦眼不得出家此法  
律中五法具足眇眼不得出家此法律中五

法具足不正見墜陷識不得出家此法律中  
五法具足瞎眼不得出家此法律中五法具  
足黃門人不得出家此法律中五法具足二  
根不得出家此法律中五法具足割根不得  
出家此法律中五法具足共丈夫行欲不得  
出家此法律中五法具足亂心人不得出家  
此法律中五法具足太長太短過黑不得出  
家此法律中五法具足太白不得出家此法  
律中五法具足白癩不得出家此法律中五  
法具足熟身不得出家此法律中五法具足  
踈齒不得出家此法律中五法具足豎髮不  
得出家此法律中五法具足赤頭不得出家

此法律中五法具足綠髮頭不得出家此法

律中五法具足太黃不得出家此法律中五

法具足斫面不得出家此法律中五法具足

少髮及無髮不得出家此法律中五根相具

足山羊眼反土瞽反土眼小不眴眼暗反一玦眼極

深眼睽眼睽眼電眼眊反子戈眼謂小長眼睛相

逼眼轉精眼眊反下矜暉反公困垓眼班眼驢眼

鷄眼尸利陀眼漚婆陀眼佉弥魚眼婆迦利

陀眼名已上無正鷹眼鞞薩羅眼正亦無獫猴眼

狗眼阿荼迦羅眼正亦無薩多泥去多眼尸陵

伽羅眼義去汗眼黃眼刪由迦多眼娑賀賀

那眼缺眼雉眼瞿利多眼團刪提多眼續毗

跋𦵑

反匹 𦵑

多妬羅眼

轉患 露白

婆稚多眼毗盧婆

眼阿舍羅摩那眼刪泥奚多眼毗鉢囉毗羅

眼闍妬婆眼

一本六禪 妬 婆義似地

緊陀羅眼毗羅伽

眼漚那帝囉眼三鉢囉朱帝囉眼憂娑陀囉

眼婆荼婆馬眼婆囉陀眼婆娑羅伽眼佞視

眼豬眼網眼毗察多眼

被傷

破眼青黃眼不得

出家阿難復有九萬九千彼彼衆生根如來

悉知如來悉見阿難如來應正遍知有如是

等無量無邊知見阿難復有二十二根相詐

善比丘貴重資財諸佛如來皆如實知復有

二十二根相詐善比丘所有語言臭如死尸

又有十根相阿蘭若比丘所出語言邪命詐



善有五根相邪命比丘詐修善故衆人識知  
五根相破戒比丘諸天唱告有五聲言於持  
戒比丘告言尊者某甲比丘戒聚墮戒聚遠  
離五種受法語出若有比丘自戒聚墮彼時  
諸天白善比丘持戒者邊名某比丘今戒聚  
破五種讚歎歡喜法於比丘邊所住諸天及

三十三天知比丘勝己於四方讚歎五眼根  
相比丘外現善相內心邪命比丘五種見法  
各自有患和合共住更互相信比丘五有迦  
婆具足少法諸比丘應當知捨仙聖幢相而  
轉墜下五法具足比丘不尊重戒亦不尊敬  
佛法僧寶五法具足比丘不敬重佛法僧

寶五法具足比丘尼不敬重大比丘五法具  
足比丘尼速墮戒聚五法具足比丘尼受他  
教令依他功力破壞人胎五法具足比丘尼  
實不敬重和上阿闍梨詐爲親相示現無怨  
貪著利養當墮惡處五法具足比丘尼應知  
辭如門闔五法具足比丘尼若有智者若在  
家若出家應當遠離如利角牛謂妬嫉瞋恚  
無恩惡口諂曲如是五法具足比丘尼應當  
遠離五法具足比丘尼還俗戒聚墮落更欲  
出家諸比丘不得聽何以故彼比丘尼不能  
住法汙染比丘彼墮地獄比丘五法具足於  
比丘尼邊作諸過失當墮地獄不值四佛五

法具足諸有智者見比丘及生過患想五法  
具足度女人出家與己正法三分損減比丘  
五破壞法於比丘尼邊汙染者五法具足殺  
害衆生五法具足諸俗人等作不聞法業五  
法具足或有俗人心思出家而彼不得聽令  
出家五法具足俗人富伽羅等以不正信而  
墮地獄五法具足能令婦人墮地獄中五法  
具足諸衆生等先已和合後還破壞五種言  
語法斷鬪諍根五大地獄根力故應當演說  
五因五緣妄言取生五散睡法五怖流轉五  
朋友法而相損害五朋友如母五法捨五法  
取五法聖者訶五法富伽羅應治罰五自知

不由他五如金剛想五不定想五住想五向  
心富伽羅五不同心富伽羅五富伽羅諛曲  
五富伽羅無明五富伽羅有疑意五富伽羅  
度諸憂惱五富伽羅如輪山五富伽羅諸智  
所讚歎五法具足富伽羅供養如來五法具  
足富伽羅樂破僧五過去增上言五未來增  
上言五現在增上言五法合道五聖言之非  
聖言五身證者地五見到地五證相聖地五  
取別相五富伽羅如杵五富伽羅如石五想  
具足富伽羅如杵至盡五想具足害母及父  
五想具足於佛所生惡心出血五想具足造  
五無間業於一劫住大地獄中五想具足從

大地獄死生於人間當得斷見五想具足當  
得邪見五想具足當捨重擔五想具足墮不  
定聚及離重擔五想具足富伽羅如優鉢羅  
不假善友而善根增不損不減五常善讚法  
得親近住增長善法五法具足不親下人然  
其境界亦非聖境五種惡心者誑惑虛無五  
毒蛇人空無物者五法具足不得上閑預處  
五過患根五常不和合五無攀緣如來不迎  
況諸聲聞五梵行者法五癡法五欲事五非  
欲事五斷者五如瓊法作所作已令魔滅損  
五渴愛無義語令生疑意五決了智能滅渴  
愛五不消過患五富伽羅利智五富伽羅部

分分別智五富伽羅使了智五法將墮餓鬼  
五法於他邊毀謗五法具足若有得法者天  
等世難知惟我能知五順轉五逆轉五想滿  
足虛空想五想滿足世界中間住五想滿足  
斷見轉五分別想五不分別想五種說想五  
觀想五度觀想五攝取想五折伏想五不可  
得想五瞋想五不瞋想有不和合想有味想  
有愛想有憎想有想當作想有想當不作想  
有非想想非想想有離想想者非想想者阿難  
於中非想想者以五種方便當作離想於中  
離想想者彼亦當作五種方便何以故阿難  
毗婆舍那智有攝取想不折伏有折伏想不

攝取阿難於中有攝取想不折伏者彼五種  
想當作戲論阿難於中折伏想非攝取想者  
彼七種想當作懈怠阿難此二想中非攝受  
想當作受滅其受滅中真實想不墮於非想  
乃至未增法想中斷盡生已生死寂滅是則  
最後離天流轉五種善而有爭鬪五顛倒意  
疑不見語者五根法入煩惱五業報故諸衆  
生等得大名聞五速入作不善根然比丘作  
想住已入於修多羅五惡攝取法令衆生命  
終五種生處依自身垂生令諸衆生當成熟  
眼事及憂惱事頭似白瘡有五法患頭命終  
當苦惱死五法被刀患五法不可治即取命

終五寂滅不離住五法不善根具足當成無  
子丈夫五種垂依身體在齋下胞邊住得無  
子丈夫數既無有子使脚膝戾語言麤齷彼  
人根中有五種垂名無子男二無子丈夫三  
無子婦女彼有垂名波羅株博迦住在彼人  
大小便道中其形微細頭如針孔彼等食已  
能令衆生一向絕欲於受欲中嬾墮懈怠有  
五垂名瞿祇羅依住於齋衆生死時垂飲血  
故得上氣病於一刹那一牟休多即便命終  
有五垂名娑婆底野目佉依於人項衆生臨  
欲命終喘息之時搯人咽喉飲咽喉血有五  
垂名鶯耆羅屋伽羅

隋言  
可吐

住人咽喉人食苦



食彼垂即動彼垂動已舌根即動其味處處  
令散以業報故喉生息肉若熟即死若不熟  
者於眼及喉即成患苦有五垂名僧鳩吒迦  
住衆生脚掌食肉食五阿難時彼僧鳩吒迦  
垂食足下肉五已有筋名毗羅途羅是筋連  
續眼根彼筋爲僧鳩吒迦垂食已眼即上舉  
行時勸閉不轉即成瞎跛彼等衆生如來知  
無利益無有善根彼生眼根生已還滅阿難  
一衆生有五千要節分如來悉知彼要節分  
中有芥子分觸者即盲或瞎或跛或聾或作  
偻脊或有節分如芥子物觸者觸已即便命  
殄阿難此身如是受生如是羸劣無有勢力

阿難五種想如來不說憐愍衆生故有五種  
他廣作慢諸衆生等所生慢處有五慢不滅  
有患有五種自身不觀者慢彼大慢故當作  
無間業慢事慢瞋事慢受慢種種稱量慢  
順流慢逆流慢詐善慢稱譽慢見慢力慢  
色慢語言慢辯才慢壞滅羞慚親近等事  
有五種富伽羅如破星稱有五富伽羅如猫  
兒有五富伽羅如糞有五富伽羅如風有五  
富伽羅如火有五富伽羅大患比丘有五處  
具足當作舉罪羯磨五如法問當令舉比丘  
舉已當不合捨以五法當捨五法報最堅若  
比丘衆和合被舉者至他方入比丘衆五種

法比丘犯已當得舉比丘共和合作法事若  
食若作羯磨若語言若布薩若自恣或覆藏  
五法具足比丘不令與他作舉羯磨五種法  
舉者比丘自身作罪其作羯磨事壞不成五  
法具足比丘爲舉比丘作佐助或作朋黨彼  
還如此作羯磨五七住處令憶念有諸比丘  
被他舉者若更來入彼若不入彼等皆合舉  
五事持律者當應斷五事持律者巧能斷言  
我是彼知不知者有忘失無有疑荊處應問  
彼七聚分處應問受具戒處應問四初學者  
四種恭敬處應問四恭敬處所四闕少攝門  
應問四闕攝所四依羯磨應問四依羯磨等

四丈夫障治罰語應問四種丈夫障治罰者  
四無智作者如有事犯罪及道所生處應問  
彼若問時爲說是如來印彼處依修多羅說  
力四五二八四轉犯道應問彼若堪解依義  
應示彼人得成真持律者無諂說法者五種  
法壞本性不應作阿難此是四攝持律者大  
勢力持律者若於是中所學持律七戒聚墮  
二十千數善能解釋智者讚歎隨順所見阿  
難說此四攝而無多人許可所說何以故魔  
當覆蔽如是說故阿難優波離知此四攝彼  
名最勝持律行者阿難持律者五法具足應  
施他法阿難持律行者五勝具足當向勝處

當得勝處持律行者五法具足當墮地獄被他猷賤迷本行業五種論師說迷惑言四種論師作人言語一種論師不歎言說若說一迷語彼二種見身譬如百歲衆生仰面向上不見前後如是如是有一論師不得滿足外道功德亦不能滿沙門功德阿難譬如有一盲人又復一人得天眼者如是二人未失人名並是人也阿難如是如是有一種論師不捨論師名共沙門行婆羅門行然彼等人乃至不及似猕猴戒阿難有現猕猴句教示彼等彼等學已得辟支佛道五種憂事五種憂具五種折伏憂五種得禪道五種生明五滅

明五出明五行虛空五同行事五觀察五說  
勝法令歡喜五忍五降伏五背面五愚癡五  
處所衆生各各破壞衆生死時有五種心生  
有一最後心受生處五生處有二樂五生處  
一切無樂五種戒五忍五調伏欲五頭痛五  
眼痛五鼻痛五面痛五面門痛五食道五耳  
疑五眼根疑面門得欲歡喜已速得瞋恚十  
種惡耳忘失音聲五法具足舌根薄五種善  
根口業清淨他信受語五垂依頭名優羅菟  
亦名鉢盧亦名那羅瞿亦名波羅瞿亦名婆  
帝虱都彼五法令眼筋羸弱復有五垂噉食  
頭腦名三暮瞿亦名摩瞿踰亦名左帝踰逐

都亦名娑陀藍菰亦名娑途馱奴若數發已  
食項筋斷令諸衆生所有言音衆生不受五  
種名字說法能令衆生言語不滿五離惡平  
等知故轉五根本一切衆生各各鬪競五得  
伏藏賊不能奪五寄付而不欺誑五爭競本  
二十二種相眼當滅此身中有二萬二千筋  
有一筋攝更別有十筋入項中五筋入懸臍  
五筋入肩膊五筋入咽喉此身有五十七百  
千數筋纏縛此身一如彼筋數頭髮還有如  
許一一頭髮復有五百五百名字阿難彼諸  
如來於一名中安置建立五速根二攝根二  
略二共根二無根彼五處應分別天道人道

地獄道畜生道閻羅王道五種根相最後出  
入息衆生應知此處捨已當墮阿鼻大地獄  
中有四種根相縛清淨不缺不濁若於最後  
出入息時不墮惡道智者應知是人此處捨  
身命已生三十三天三種根相應墮畜生二  
種根相當墮閻摩羅世七種根相彼最在後  
出入息時如是根相智者當知如此衆生捨  
是身已得生人間

大威德陀羅尼經卷第一

靡

憊怯

上居耕反困也  
弱也下苦劫反

怨讎

上音寬  
下音酬

翳

一計反  
掩也

淵

烏懸反

燥

蘇老反  
乾一

姦猾

上音寬  
八反

狡

反詐也  
亂也

羸





反

反

馱

反

唐

賀

臙

未

舊

見

音

出

紆

覈

恭

反

肩

膊

二

字



反 馱 臙 未 見 出 覈 肩 膊 二 字

